

嘉慶松江府志

松江府志卷二十七

田賦志

役法

唐百戶爲里五里爲鄉里設正一人掌案比戶口課植農桑簡察非違驅催賦役在邑居者名坊正在田野居者名村正華亭一縣統鄉十三則里正六十五人

也

顧志

宋以衙前主官物以里正戶長鄉書手課督賦稅以耆長弓手壯丁逐捕盜賊以承符人力手力散從官給

使令

三才考略

熙寧閒行保甲罷耆戶長壯丁

三才考略

元祐閒復耆戶長壯丁仍行保甲法

三才考略

乾道閒行義役令民量家厚薄隨戶役多寡輸金買田

遇當役者以田給之

江南通志

端平三年知華亭縣楊瑾停差保長募民爲直鄉

凡里正之

事屬焉重置義役田以充役費

顧志

義役始末序役法之弊尙矣熙寧雇役與元祐義役二說矛盾幾不可復合而民生否泰亦或由之紹興閒圖適厥中衙前弓手則用雇法鄉都保長則用差法然差役既仍舊則吏奸民訟相挺爲擾族黨里姻相疾如仇其固自若也乾道閒義役之法立其說聽民自等第出田各以久近在使官特主其籍而藏之意非不美也然久則獎弊則爭爭則議者反謂不如差役之便嗚呼雇役差役而復有義役法亦詳矣弊乃終不免焉然則人終法邪法弊人邪將人與法俱弊邪華亭諸鄉舊多義役自版籍零落催科煩擾

役田廢而入兼井之家故義役壞而差役起矣大使役可差雖無差役可也說棟隱寄爭訟紛拏而役又不可差則奈之何哉瑾之來也不獲已用雇役法官自召募直鄉承遞文引行之一年頗無闕事繼承臺府之命俾糾義役瑾遂得畢力經紀幸而就緒大槩糾錢置產永編苗稅名曰官田民歲收租俾充役費名曰義莊既又免差稅長并令雇募間有鄉保不堪科役者官自置田以其稅代之故邑無闕役戶無澆訟而義風成矣是法也蓋合雇役差役義役而一之者也但時移事久官取其賦則獎民據其產則獎戶不重糾則獎吏姦不痛懲則獎保謨封植使永久無獎者要在上下均任其責耳易曰化而裁之存乎變神而明之存乎人故瑾輒不自揆因論役法之詳并及役法之獎且拳拳實有望於後之君子云端平丙申知縣事楊瑾序

重建義役記 華亭爲畿內壯縣戶口繁庶訟牒多而疏剔之難也版籍散軼稅色夥而督索之難也歲舉班見縣選階而更京秩法當爲邑者凡七十人他邑惕然恐人先己而得惟華亭則睨視而不敢問途曹長貳據案操筆以序而授惟是邑之次常虛端平役法

甲午友人楊君廷潤以東門稅攝邑不敢以暫而怠其事聽訟必以理而不可干以私也督賦寬其期而不可違吾令也挾富而訟挾貴而訟吾不汝問苟直矣則直之仰疆扶弱之偏無有也既又念催科之難縣版籍之闕俾有產者各疏其物業之實吾爲汝書之籍尺寸之帛斗升之粟可得而攷鄉胥之計不行焉由是人情大悅令無不行郡太守以君治效聞於朝謂資考雖未應辟願小遲銓次留君以畢產籍邑之父兄子弟亦相帥詣府下謂非楊從事不足以治吾邑上方垂軫民瘼申命有司精擇守令以任牧養而治劇邑者尤歎其選於是特以君知縣事君入官猶未及考前此未有也今下邑人皆曰今得賢侯矣吾邑其庶幾乎苟有教令其毋違弱者不待告戒而樂從彊者不假刑罰而心服昔者以訟不直番理於郡於諸司於臺省者肩摩而足接今無之昔者月輸錢帛於郡若倖於諸司者常以稽違受譴今無之萬家之邑無留獄無滯訟無乏供田里妥安桴鼓不鳴邑人又曰自有吾邑如吾長官戴白之老未之識也君曰未也因役而爭雖姍族不顧今尙有之是風俗猶未熾也縣官閣筆而役不可差是明詭挾以困貧

弱而未能革也杜爭端均賦役使比閭族黨歡然有  
恩以相接是吾志也成吾志者其惟義役乎然鳩民  
田以爲役可矣始雖合而終必離邑之保五十有四  
昔嘗自爲義役未幾從散約壞君自以錢募民爲直  
鄉凡里正之事屬焉行之期年雖足以杜一時之爭  
後乎我者有一不繼其爲民病自若也會郡太守亦  
以義役爲諸邑勸且獨鏹俾買田以供役費君以郡  
鏹他日終爲吾邑累不若推誠以輸邑人與其歸訟  
以破家孰若施舍於今以絕無窮之爭君信義素孚  
於人遂相勸勉不戒而集卽以其錢買田盡入官籍  
分畀諸保而貧弱之鄉不能爲役之助者君銖積寸  
累共得錢八千四百緡買田給之最爲田若地二萬  
六千畝有奇且復申明盡蠲其苗稅苗一千一百六  
石有奇稅一百三十一貫有奇絹之以鏹折者一百  
五十四匹有奇州家元鏹亦復索而歸之郡矣條章  
品式纖微委曲講畫詳明且鏤版以示後來所以加  
惠邑人垂百年之規至矣盡矣書來告我曰僕之心  
思於此罄矣苟利於民不卹也且日役之成也難矣  
不能不慮者田鬻於官稅入於莊固無瓜分之虞而  
貧富之不常排比升降有一不公則爭端復起足以

敗吾役田之租稅既竭固無復敗之慮時異事殊州家倘不加察而言利析秋毫者欲攫取之眇然下邑壓於勢而不敢抗則已獨復取尤足以敗吾役吾爲邑三載不置保長所以便民也民則便矣而非吏之便他日或巧爲之說謂期會差而事不集倘仍其舊則爭端將起又足以敗吾役吾爲此懼扶持而存全之俾勿壞惟後之君子是望子其爲我記之使心事昭白子之惠也嗟夫立法垂後作者非難而守者爲難行之於暫非難而持之於久爲難百年成之不足一日壞之有餘昔人固有是言矣畫一清淨之歌垂之青史千載之下以爲美談者亦知其爲難也今之爲邑者窮目力竭心思不過考核財賦以應期會祈免一時之督責而已千日之遙惟恐速化之無術苟不至厲民以自豐謗然賢譽已溢於阡陌其有興利除害爲民深長思不特今日慮又爲將來慮如君者世寧有幾哉是可紀也予與君居同里君之心事予知之深而君之爲政得於邑人甚詳遂以所聞撮其大要爲之記君名瑾廷潤其字也登丙戌進士第部使者又嘗以治效刻上有旨秩滿陞擢君自是升矣嘉熙改元上月癸巳朝請耶監行在都奏院李知退

記宣敎郎樞密院編修官兼權屯田郎官王萬書并題額

按嘉熙以前華亭諸鄉苗稅例差保長三百餘人下戶多緣此破蕩楊公澄任永免差遣除追會風火屬郡保承遞人外若兩科催稅仍用本縣雇募直鄉此說見便民省制是宋代保長外別有都保承遞諸役

元州設坊正鄉設里正都設主首專辦稅事後改爲季

役其次有貼役以糧多者爲役首雜役則弓手祇候

禁子糾子曳刺鋪兵船夫防夫馬夫鹽車織染匠雜

造匠

三才考略

### 泰定元年行助役法

助役田糧記略 江浙所轄四道州土之廣錢糧之夥賦役之重莫過於江西然歸附之後亡宋科徵文冊散失殆盡催納稅糧上憑鄉司草間以致里正主首陪開有科無徵錢糧上戶漸至困乏況中下戶哉



延祐五年奏奉聖旨議行助役之法浙西廉訪使言  
州縣定擬差徭弊幸非一上戶萬畝不過差充里正  
下戶田不滿百未免定爲主首直至賣田畝鬻妻子  
而後止訪聞腹裏路分坊里正等役一鄉一都之閒  
有依驗衆戶包銀分數共出銀鈔雇人代役遂得安  
居至今行之官民俱便如今之計令有田百畝之上  
者出田助役誠爲便益至治三年松江奉省劄準中  
書咨欽依奏準事理分委官員及各縣正官親詣鄉  
保就與各處耆宿人等斟酌彼中輕重物力多寡該  
出助役田糧數目坐落條段主戶花名開申每歲儲  
畜推舉信義之家以充里長掌管收租助役輪流相  
沿交割不許有司干豫攢造印冊三木一解省一存  
府一責付里正仍嚴行設法關防華亭上海二縣照  
勘到二縣人戶助田一千四百六頃三十一畝八分  
九釐該米六萬三千五百四十四石二斗六升五合  
推舉里正邵正三秀等二百四十三名掌管收租助  
役既已造冊關防合令於本處置立石碣明白鐫記  
條段四至字號備細數目以防移換埋沒之弊云前  
松江府教  
授余卓撰

元統二年上海亦行助役法

坊正助役義田記略 上海之地阻江而濱海至元  
開易鎮爲縣市舶司在焉故商賈駟集民物繁庶  
役者猶未病其後船移東浙壓限日減而坊正之役  
始爲病矣於是邑之耆老相與謁鄉望萬戶費公而  
議焉公謀於衆相率有力者驗其力之上下而差等  
之各輸幣買田若干畝歲收租若干石以爲助役出  
而公所輸尤夥田在縣之廿五保其議約則本保里  
正歲掌其租入以給坊正之費坊正歲集衆議公選  
有幹局者二人以董之上不失公家之務而下可以  
緩民力斯亦救弊之權也既成乃謀勒石以告於後  
期於永久而無斂云承事郎海道都漕運萬戶府經歷王良撰

明以里長老人主一里之事以糧長督一區賦稅以塘

長修理田園疏決河道其餘雜役並於均徭點差

按明編賦役黃冊以一百一十戶爲里里分十甲日  
里甲以上中下戶爲三等五歲一均役十歲一更造

一歲中諸色雜目應役者編第均之銀力從所便曰均徭他雜役曰雜泛凡祇應禁子弓兵悉簽市人不役糧戶其銀力二差俱有定數銀差者以差編銀不復雇役也力差者派定銀數自當雇役悉聽其便非於所編之外縱民過取也若簽點糧長必殷實之戶督其鄉租稅多者萬石少者數千石部輸入京云

永樂間編簽馬頭

江南通志

按三才考略云暫借南方百姓買馬當差過二年仍著土民買馬更替回來此卽府屬山東鳳陽馬夫也

正統八年巡撫周忱奏準松江一府凡闊白三梭布一匹準平米二石每匹加車腳船錢米二斗六升闊棉布一匹準平米一石每匹加車腳船錢米一斗二升每匹長四丈二尺五寸重三斤兩端織紅紗以防盜

翦郭志

十二年巡撫周忱因集價買馬重爲民患議於秋糧

帶徵耗米易銀代之

江南通志

天順間巡撫都御史崔恭仿前巡撫周忱遺法編定均

徭

江南通志

宏治間應天巡撫朱瑄奏減內府供給南京科道等官

公差諸役各衙門坐派及運送人夫等項詔從之

通志

十六年戶部覆準蘇松等府歲解折糧布匹舊例送

部看中送貯甲字庫備用宏治六年該庫以布匹不

登原樣恐嚇解戶至費銀八九千兩近奏準今後該

部看中不必再揀而該庫執奏布不及三斤不知蘇

松布精細而斤數不足北方布粗厚而斤數有餘自  
今蘇松解布至部揀中送庫不得再揀以免解戶借  
銀賄囑之弊

郭志

嘉靖閒知府王儀靖立法編發糧解照田多寡爲輕重  
凡大小差役總計共均徭數目一條鞭徵充費雇辦

役累悉除

江南通志

四十一年知府臧繼芳議以細布附北運官船帶徵  
貼以損墊行之一年仍編民運

郭志

隆慶初改糧長爲總催

郭志

三年改里長爲經催又分官甲以老人督之

郭志

是年巡撫都御史海瑞革報府城附郭總甲於十排

年挨日輪充

江南通志

又巡撫海瑞將均徭均費等銀不分銀力二差俱以

一條鞭徵銀在官聽候支解

江南通志

按一條鞭法十甲丁糧總於一里各里丁糧總於一州縣州縣總於府府總於布政司通計一省丁糧均派一省徭役於是均徭里甲與兩稅為一凡一縣丁糧畢輸於官官為簽募以充一歲之役小民得無擾而事亦易集然糧長里長之名罷而其實存諸役仍至復簽農民法行十餘年規制頓紊不能盡遵行也

萬歷閒巡撫胡執禮更定徭里貼役革除里夫

江南通志

郡人林景暘上巡撫胡公書竊惟江南賦役甲於海內而敝郡最爾僻壤列為雄望頻年以來供億繁苦既無不盡之力不竭之財矣閣下嘉惠地方欲更定徭里貼役盡革力差里夫使第輸銀於官而無所

與誠百世良法然因謂民卽多出財以紓力庸何傷  
愚則以爲未可夫均徭特衙前一役其餘收頭催辦  
解運尙多也里甲以供祭祀賓客府官之需而民開  
不時徵索自若也貼役以贖北運而夫船耗辦及解  
戶之費又數倍也今計三者之徵約六萬兩已當他  
省上縣之賦矣在官之額一成難變恐今日加編既  
定異時卽閣下身在其位灼知其害而有不議減  
者是財之出於民一定而不易者也而又不保其  
不增若夫奸胥猾吏視有司之所不便下片紙之令  
在官者復轉而在民易耳是力之不出於民非一  
定而不易者也而況將不止於一變至於時勢之紆  
慘國用之緩急又非意料所能盡也閣下計目前之  
多循良而不知異日之無不肖習於聖朝之休養而  
不念時會之有更張愚竊以爲過矣且夫雇便於差  
自古志之而昔人猶以爲年年出費戶戶徵錢此雖  
熙豐士大夫一時僻論而閣下今日不可不念及於  
此也毫釐之所益者視若甚輕而敲扑之所增者無  
限一年之敲扑其原皆起於毫釐歲歲之敲扑其根  
又起於一日更法之始得不慎乎閣下誠欲利民當  
省在官之用而不當增在民之供當深思其費之所

由寡而不當徒講其費之所從出狂瞽之言惟閣下勿罪而采擇之則德意終遂而閭閻郡受無疆之賜矣  
巡撫都御史徐民式題準均役紳衿限田優免餘俱

一體當差役分上中下三則以田多寡為差

江南通志

徐民式疏略按吳中之役除一切里排小役艱辛萬狀者無論如糧收倉收南北兩運有終歲拮据始得竣事者有水宿風浪輟道路貫空產竭流落他鄉甚而血杖淋漓公庭疲曳查盤逼迫獄底羈監三年五年尚未得息肩者蓋因隆慶年間吳中大戶創立官甲自辨自此自收自兌未幾巧詐百出樂竇紛然有倚官甲為避差之窟而詭寄者有通錢神於猾胥之手而花分者有寄莊而圖優免者有故官而仍濫免者相沿積習牢不可破而長民之吏莫能究詰夫總計一縣之田止有此數此增則彼減官戶之田日增民戶之田日減故縣中一遇編差上戶不足點及中戶中戶不足點及朋戶於是豪門子弟倚勢人僕方且坐擁良田耳不聞役而彼甕牖貧民反出死力以代大戶之勞費此情理之難通也該職等嚴行



道府縣清查自科甲以至一命謹遵照會典厚加優免似無不協其餘限外田畝及有詭寄花分寄莊故官槩不容隱匿無論官民盡數照田編役以甦積困

三十八年華亭知縣聶紹昌作經催布解收兌收銀及官甲餘田起役諸議

紹昌經催議略 松郡之役莫苦於經催經催不過於一圖十排年之中挨次輪辦而一圖之錢糧起總盡責其身十日一限一身在鄉催辦一身到縣應比所以近之有分身催比之難有上城下郭衙門押保之難有代人賠賍之難遠之有幾年徵欠之難有十年查盤納罪之難是以承此役者身家多喪總之大患有二一在拖欠一在侵欺不問細民之完多完少而惟經催之是責則良者無勸頑者得志所以敲朴愈多而負課愈甚欲除拖欠惟在於明悉細戶而欲除頑戶侵欺其要在明摘欠戶今議於各區各圖立一實徵細戶冊糧冊每區總催開列圖總一冊一様二本一本發總催收執一本存縣發糧上收執此調

先開一區錢糧總數次開各圖錢糧總數卽就一圖  
分爲十限每限總催於各圖名下開其完欠完者開  
其實數若干寫如數二字欠者開其實數若干寫不  
如數三字又將人戶田數照依虎頭鼠尾列其多者  
於前少者於後以憑比較其點拘頑戶先拘其田糧  
最多者次及其田糧少者雖有先後決無幸免矣  
紹昌布解議略 華亭布解最爲煩苦一縣額供三  
綫細布二千四百五十餘匹每匹布價銀七錢鋪墊  
損解盤用銀一錢一分二錢細布一萬三千四百五  
十餘匹每匹布價銀六錢鋪墊損解盤用銀九分自  
領銀投牙賃房聽驗印解布祇油納包索舟車盤牖  
挂號銷批到京門單稅鈔內監庫官吏書司房保識  
庫夫長隨廚役見面後手擺飯茶果土儀磕頭復求  
雇夫交納等項每匹賠銀不止二三錢一經退回則  
重復解進每匹有意揀退百千浩費此真莫大之役  
驗印至京又且在意揀退百千浩費此真莫大之役  
而近年乃愈點中人之家又不給銀單寒下戶豈能  
賒買勢不得不賣田鬻產揭債買布接到京邸及其  
交卸獲批則已吸骨及髓更無身家餘贍矣所以吳  
中一聞此役如赴死地蒙徐撫臺奏請二錢與粗布

照價改織三錢布以本色附袍服解進而寢閣不行  
朝野同惜今議於五遞年中編定此役以第一殷實  
巨富田二千畝家累巨萬金者承之必不容勢家營  
脫必不使中戶溢充編審既定每年驗係大戶正身  
決無包攬先給銀若干驗收布若干印貯庫中隨卽  
發銀再買驗收既足給文發行卽時并鋪墊銀給之  
定勒限期解京批遞一面報本院知會戶部以防其  
中途濡滯之弊庶幾肩此役者可獲更生而布縷之  
征可以永終事矣  
紹昌收兌議略 收兌之役不苦於收之難苦於兌  
之難而其實兌之多費由於收之不精蓋清軍見米  
之不精也多勒贈耗以爲利糧役因兌之多費也益  
插穢雜以售欺所以一當交兌煩費蠅起有綱司話  
會有賜斛淋失有網圈後手使用不可勝計風力官  
員欲爲民少減贈耗卽環擁器呼張拳犯上而莫誰  
何其在於軍則利歸旂甲不過恣一時之浪費及至  
兌米入船中途沓爛反累運官揭債賠補回衛之日  
累小軍扣除月糧以抵京債此不平之在軍者也其  
在糧長諸用不貲常至賣產鬻業盡蕩其家其在國  
用則軍糧之所交於京通諸倉者皆濫惡不堪積久

盡腐而其病又在於國矣然軍之所以得爲民害者  
又皆由傍倉奸棍糾引漕軍大開詐局漕軍利奸棍  
以爲腹心奸棍利漕軍以爲囊橐互相勾引花街鬧  
市浪擲金錢未及交兌漕軍地頭之費已百孔千瘡  
專恃多勒贈耗以償所用於是倉棍輸情指點曰某  
米是糧役渠魁一賂此人卽爲多耗多用之倡而兌  
軍之費始發然頗重而不可以禁止今幸撫按清臺  
刻列告示嚴行禁戢若納戶米既乾潔不得耗贈之  
外多勒升合違者一體責治悉遵漕運議單每百止  
加濕潤米三石五斗或外加三石五斗而止又嚴  
申漕規止許一旗一軍到倉交兌其綱司話會踢斛  
淋尖綱圈後手之類一切禁約通完之日卽催趨開  
幫前去如此則漕粟乾潔軍無腐壞累賂之苦漕令  
嚴肅倉無譁兌喧擾之虞矣  
紹昌收銀議略今之收銀卽昔之長收昔年長收  
之濫觴在管月買辦舉公家承應上司餽送交際一  
切浩費盡責其人所以蕩析無存者於是乃以大收  
改爲小收大收二三萬小收自一千至四千而止然  
查往時相沿積弊如傾銷滴漏解放虧折書算衙役  
種種需索又有雇募橫書徵寓盤用所以一千必費  
役法

銀四五十兩更有衙役攬納偏減天平而積指櫃書  
尤價包攬磨洗官串詭發附收挪東掩西莫可究詰  
既攬此而包彼必移後以飾前接踵朋奸動侵千百  
本職洞悉此弊已痛革附收且議嚴禁積年櫃書極  
身包攬務使櫃收皆正身的名亦不許占定櫃口聽  
糧長自令所親秤收登記竟用櫃書寫串算數仍須  
役人自擇具結報名於官以便查獎究治然收銀所  
最苦者尤在於收放不速今議請頒定收放之法必  
置京邊及各項上供緊要者於前而其餘次急者稍  
緩解放者以次開列不得任意先後且十櫃多少均  
放苦樂適調一班所收卽儘數放去收盡放絕總撤  
相同然後及大班則無存櫃積侵之弊亦無久候盤  
用之苦又以櫃派圖一定不移如繁縣六百三十里  
舊設甲乙等十櫃每櫃派定六十三圖使納不得混  
淆收之既齊放之亦速庶幾中戶之家不代巨富之  
累所裨於國計出入者亦不小也  
紹昌官甲餘田起役議略 官甲書冊詭寄田畝已  
清十之七八而餘田有倍於國戶惟編役之中須樹  
酌權宜乃可與久故餘田及五千畝者除二千畝起  
布解一名餘田至萬畝者除四千畝起布解二名至

於南北二運各項差解非民甲諸練慣熟者不能承  
受請以收銀總催之半槌糧兌軍之大半役官甲餘  
田可乎何也往時里排催鄉官白銀不惟主人難見  
如帝管數人亦難見如鬼徒倚侯門吞飢忍凍徒手  
而返限杖難逃自立書冊而官甲之白銀自納自比  
隱然充里排之役獨有傾銷交納猶累收銀總催耳  
今議官戶田少者以收銀之役加之與民甲一體傾  
銷交納此役之稍輕者也往時收兌糧長收鄉官槌  
糧或插和木穀或斛斗不準既無衝尖又無加耗自  
立書冊而官甲之槌糧自收自兌隱然充一收兌之  
役獨自本名正項非與人互代耳今議官甲田多者  
以收兌之役加之民代官甲南北運等差而官甲代  
民兌軍一事此役之亦  
重者也官固俱以爲便

### 四十七年華亭知縣章允儒定差撥塘長之法

允儒議略塘長輪年承充往往獨稱苦累何邪蓋  
以上役之後工房吏胥有以年需索之例水利衙有  
頂區之例大區五兩一圖小區二兩一圖以繁縣計  
之不下幾百金矣至於搬運泥土裝釘棘茨開濬河

道又以遠近多寡抑勒之此塘長之苦悉由衙憲所致也今後塘長差撥搬運開濬等項設立簿籍聚本縣一親注地方吏書毫不得假手至於裝釘棘茨勢不能免臨時酌量多寡輪流派取定不偏累一人

崇禎元年禮科給事中郡人葉有聲等奏覈布解等役

利樊

葉有聲許舉卿監察御史董羽宸錢士貴沈僧龍馮明琦兵部王陞工部董中行王庭柏朱長世唐昌世姚元允疏略東南根本至重差役困苦難支非邀皇仁松溺之恩易慰聖主如傷之視謹實瀝諸艱仰祈再造事竊惟國家財賦全在東南而大小徵輸悉資民力休息之尚無以必其生困苦之終難以甦其命矧松郡僻處海濱民貧役重更以年來加派水旱游臻上戶無再傳之業下戶多速斃之形家已罄而公務未完人雖亡而妻孥猶繫其歌長楚而嗟斗箕者蓋比比是矣當此堯舜之世不為思解其倒懸則負吾民目擊彫瘵之狀不思披衷以入告則負吾君致君澤民臣等所學何事乃當此遭逢而自失之也

役緒多端難以縷指如收銀徵糧塘長里甲以至南  
運輕齋公候馬價麥折昨襖柴薪風汛環傳鹽司等  
解役種種先耗皆不使於民毛髮空存膏髓已竭敢  
以絲來之蠶與善後之圖一一陳之一日布解夫布  
非獨產於松惟松粗細兼解倍爲繁難假令給銀在  
先買有在後衙役無有勒指門稅鋪墊無有指扣關津無  
有橫徵積歇無有勒指門稅鋪墊無有指扣關津無  
計展轉乾沒卽正項布解或先買半發或解後始領  
或經久不給漸成烏有而關津盤驗所至畏途臨清  
有罰河西務有罰崇文門復有罰或量帶餘布以備  
拍壞則又指爲夾帶苛罰隨之及至交納則鋪墊之  
外歇家巧立名色土儀有費茶果有費庫夫驗布有  
費挂號銷號各衙門尙未竣事而府縣已監比家屬  
苛罰又隨之嗟嗟小民難肋有幾奚勝此多方吮啄  
也查照此役昔年原係官解後歸諸民今蘇州尙屬  
在官松郡豈應獨異設有不便請照常起解但價必  
先期預給一切不許扣除并嚴禁衙門需索有仍隨  
陋規者許解戶到京日赴令於衙門揭稟其無按監  
司亦於挂號之日面查官價有無全發有無尅扣如



或短少卽行該縣給足仍各給路引一道明開正布若干倘布若干以便津關驗放不許科罰一切舊規如開單請購糧價庫夫工食鋪墊等項須酌定成則亦不教檢并刊書開示爲遵守仍令巡衙門密訪嚴禁不許保放請通生事違者重究而布解其得所矣一日北運夫自糧原係上供米貴精鑿往年以本區之米儘派本區本年本區不足則我派鄰近熟區乃將運米吏變之手往往派以荒區極納濕米易至紅腐運米船民難造裝載在途時遇洪牆衝激全艘漂散性命俱沉且軍衛漕船恃衆壓捺俾不得前進少不遜逐百般撞擊或它破己船肆行詐賴甚而每縣索取買幫銀有動至數百兩者萬一買幫不得勢必愆期守凍非外加木腳則募船起剝耗折食用所費不貲而部運衙門常規日濫積書門役長押短押所費又不貲及至京交卸舊例正米百石加耗五石鋪墊銀不過五六兩今被保議強勒耗米加至二三十石墊銀加至二三十兩矣典批贖批加息稱貸經年不歸及歸而索逋者盈門蕩產傾家易如反掌嗟嗟此民誰非以王事馳驅而弱肉強食乃如此也查照先年漕臣孫居相奏革前弊復經部運同知方應明條

陳御史韓浚題準北運坐派本區務在十一月收足  
隨給夫船銀兩以便雇募船隻正月開行六月到京  
每船置立紅牌不許旂單阻抑其車腳絛牘米折等  
銀總部官沿途給發不許尅扣仍聽令於衙門嚴行  
查訪以定本官賢否再敢巡倉御史如白糧到倉嚴  
禁積年保識插盜糧米較定官斛與祖制鐵斛相同  
不得索賄滋生此皆良法美意永永可行今廢弛已  
久相應再爲申飭而北運其稍難矣一日收兌夫收  
倉雖次於北運而昔年每名派收不及千石今且加  
其半矣舊制漕規每百石加耗三石六斗今且加至  
三四十石矣又有奸民不便納米包役收銀遂至隔  
區搶收爭就輕折及運船不便納米包役收銀遂至隔  
虎構通漕卒多端唬詐每正米百石於前勒索之外  
又勒索司話會銀二三十兩稍不遂意撈掠隨之甚  
至凌虐縣令莫敢誰何且十月開倉延至五六月方  
始交兌賠費又何可勝算查昔年長興令熊明遇凡  
遇糧戶收米到倉每石加增一斗盛貯口袋委官驗  
頓在倉糧長各發寧家俟運船到日將各倉編成號  
籤總置筒內聽旂軍自掣何號正官與運官開倉交  
兌並不列收兌姓名則強軍何從索詐倉棍何從勾  
役法

引而從前積弊庶幾稍清收兌亦不至重困矣然調劑在與時宜而剔蠹要從近始如縣總掌握田畝挪移錢穀慣以受尅爲事一遇編審飛洒隱匿蠹弊萬端此他郡所無臣郡獨有決當永革不用另有華青兩縣義田四萬畝乃昔年光祿寺臣顧正心仗義贖役蠲貲所買會經題請勒石俾各輕重諸役在在沾惠奈邇來託言官收官給徵在庫者盡飽吏胥欠在下者悉肥佃保美舉漸成湮沒所當一并清查少助苦役者也以上利弊臣等伏見邇來召對孜孜以民瘼爲念是敢仰體宸衷逾限瀝陳代爲請命伏乞洞察臣等非因桑梓起見實爲根本深維敕下撫按倉漕巡視諸臣逐款釐革奏請遵守將見水火之衆還以衽席黃童白叟靡不歌詠太平頂祝聖壽於無疆矣崇禎二年正月奉聖旨賦役原來厲民有司不加軫恤致貽民累這奏布解等役利弊該撫按悉心講求開倉漕各衙門的咨以畫一務俾宿蠹盡祛願正心助役田委賢明官嚴加清覈使民沾實惠完日具奏該衙門知道

二年知府方岳貢議革布解之弊

岳貢布解議略 布解之受累無窮而約略言之其  
病有四曰發價之太遲也扣銀之太重也衙蠹之縱  
橫而催批之太急也蓋此役須該縣大富者充之官  
視以爲大富也吏書門皂無不耽耽視爲大富也曰  
夫夫畏官法而輕錢帛者欲以充公費而飽谿壑非  
若輩奚取焉於是先買布後給銀之說而布解困  
於是每十扣一加五之例而布解困於是布有  
府快控通縣快見而錢有例催銀有例催買布有  
例催驗布催印布有例催曬布催布出境有例追押  
布出境而安家路費又有例催節節需索而布解之脂  
膏盡矣其印布也鋪堂有例茶房庫房有例書門皂  
快各有例不則踐踏及之布方出境而催批之檄相  
續不絕每一票至非數金相酬難禁其凌偏層層剝  
削而布解之皮骨盡矣今議將解戶名下應納之糧  
餉盡數扣作布價餘則官給串單令解戶設櫃自收  
則遲發重扣之弊可除也官府多一票則小民多一  
累況布解尤羣小所視爲魚肉者乎今議府縣催押  
之票一切已之但令解戶自具限狀某日有布可印  
連限責之夫亦何辭至夫驗布曬布之票與押令出  
境之役則又萬萬可省者每春季起程者限以八箇  
役法

月四月起程者限以十箇月五月起程者限以對年  
寬以時日而責其違限夫又何辭票既省限既寬阜  
快斂手矣而門內需索尙有意料之外者曰印發之  
不速也待從之太多也惟是隨到隨印隨發絕  
不留宿而一吏一門之外非挑布守布者不許與布  
近違則重創之明示以官府護惜解役之意而赴院  
控號上臺親爲查問前笑未懲嚴  
提重究或亦蘇息積苦之一端也

是年華亭知縣鄭友元酌議賦役以甦民困凡八款

友元經催十甲均辦議 本縣本折額賦幾及五十  
萬其里甲計共八十區六百三十圖每圖排年十名  
分辦十年一勞九逸其比較亦云簡便法似可久然  
逋賦因之愈甚經催之累遂至鬻產破家而莫支蓋  
因十甲輪役彼此互欠則承役之年一人代十甲以  
償逋而中人之產立盡且充役如此其苦則大家圖  
卸目前前利人包辦而無田赤棍恣意索貼貼一入手  
恣意收侵幸而催科稍寬則募人代杖了事萬一差  
迫緊偏攜家以逃而官仍問之正身必更鬻產賠納  
雖大家亦破矣且一圖并額多至數百金萬不得已

而差一衙役押追見其重逋不能卽完亦谿壑其欲  
勒騙酒食遂至取給正賦以供之而所通登不能完  
因累終年官民愁歎其流弊殆不可勝言然豈民盡  
無良哉蓋一人拖賴則九甲必至互欠九甲欠而一  
八償則役斷難充而包攬無賴侵逃相尋雖有淳民  
亦末如之何也今本縣新編里甲搜查詭寄一按田  
籍授之以役則包攬無緣呈身且一人分辦一甲額  
輕戶少不待厲禁而朋賴包侵之弊俱絕第往年一  
人應比今驟增十人比較似屬紛沓然往年一月兩  
限者改省一月一限則淳良安枕樂於上納又每限  
止摘其極欠者榜示赴比甚者押令全完則淳役趨  
早完之便頑役畏不完之害人情鼓舞易於終事卽  
或鞭扑不廢總爲頑民設法較之混比混追愚姓賊  
賠奸人欺侵其法之繁簡又豈啻十百而已哉今縣  
司行之兩年上下相習但棍徒覲覲包攬輒能匿名  
搖上雖里排各慮及此求批官照協議私盟期於無  
陸然非仰籍明示無以警奸約衆也  
友元儘派荒區圖二倉議 周文襄公衡土成賦隨  
土力重輕分鄉之上中下以爲則然地勢高者土難  
輕而熟低者土雖重而災折銀徵糧聞不得其平百

餘年來遵而不改是以本縣徵派清米另立荒區一項以致措納者苦催辦者苦收兌者苦比較者亦苦荒漕米必不容欠必不容緩而民有不容不欠不容不緩之情卽欠者緩者勉強徐完卒無濟於漕之急也上下相累莫之能解查華亭縣軍儲一項應派金山倉米一萬一千六百二十五石零柘林倉米一千三百五十五石青村倉米一千七百二十五石零共計米一萬七千九百三十三石零存留平給旣省漕糧重耗四季次納又不遺井於一時更受米價騰踊之害照數儘派荒區不虧額賦合勻而清上之民每年所省已不下六千餘金且輕糧坐派有額則漕糧不得籍荒影遁而允軍便軍儲等項往往爲奸胥挪移甚至有糧無戶侵沒莫問今派之全區全圖又使重賦之後感激措納而本軍亦便今將各區圖派定糧數開後勒定以便永守

排年義米議 前件本縣議得助田原爲贍役贍役原爲濟貧濟貧二字今日買義田之大主意也寺浦之民當大役者富而貧卽將來或貧而目下尙不貧當排年者貧而貧蓋已往固貧而將來更貧極也今

議三萬役銀大約三分爲率贍大役以一分贍排年  
役以二分此非輕大役而反重排年也譬之人家有  
二子其長子尚可餬口其幼子將行乞丐爲父母者  
不得不急次子而緩長子也又如千金之家贍之十  
兩不見惠十兩之家贍之一錢立見恩也不難富而  
先哀榮獨此本縣贍役之鄰見也該本縣查得排年  
之役每圖十甲以一甲爲一名日多者獨充田少者  
二三四五人朋充每至輪役之期催辦奔走比較筆楚  
二三年不得寧處最稱苦役今該條陳酌買義田查  
得所轄五十三區區轄二百二十二里計區圖之大  
小平米之多寡每平米一石派銀八分七釐七毫一  
絲算計縣縣共平米二十二萬八千石共該給銀一  
萬九千九百九十八兩九分著令各該里排開造本  
圖平米數目并應領銀兩圖內凡地價值若干應買  
田若干十甲排年連名具結開稱田皆高腴並無低  
窪甘結并取願賣文契佃戶認租券票一并呈案當  
堂給銀共買過排年役田租米和銀田價若干如右  
又該本縣查得里排貼役之田似應官爲收籍役米  
貯倉蓋緣里排名數頗多田畝若照大戶貼田亦設  
田保催租輸糧官煩民擾反滋多事今令各排年照



依原編名數及照原派平米給銀排年各自出田賣  
為公產甲內各立義田之戶白銀赴櫃納串糙糧完  
倉兌軍餘租自行輪役收贖  
塘長議略 江南水利最關民命高則濬河低則築  
圩圩岸之工力甚省但督業主租戶各治其田而事  
畢矣惟開濬所費甚鉅則泥頭利於包工頂名具呈  
駕言某河宜開一奉批行而該管書手為政矣縣  
塘長八十名受賄免差則應役者少役少而費益增  
此點差之弊也如百丈河十名役以九丈派坐一名  
以九名派分一丈一視賄之多寡為上下而愚者橫  
蒙重累此派段之弊也是外則泥頭恣意包攬不饜  
不已其或塘長貪不能給督率圖民以應力作則催  
償之委官督押之衙役肆行索勒費且無算總計上  
下書役卑快以至委官泥頭諸人分途掊剋皆極其  
饜飮者而八十名塘長安能給之不得不分派各甲  
各甲細戶鬻田房鬻子女以應之猶以為未足也究  
之一年一度擾費如此而開濬何曾若尺寸之效宜  
為若輩作生涯耳且塘長即總催小塘即各甲排年  
終年奔馳催辦不暇而勞費橫出較之應比更甚至  
或侵正項以奉若輩則戕民生適以蠹國課也縣同

雖非專管觸目桐胃能不曲爲之計乎歷據呈排呈  
議酌量可久之法大抵令泥頭包工費給而工完始  
於水利實實有濟謬稱塘長爲小充軍蓋以興作必  
於冬時天寒口口包工泥頭分年分段按例而令  
塘長授之以值則多索者無名可指勒詐者無隙可  
乘官不必王遵之露宿民得效涇州之息野戴叔倫  
均水法無以過之

布解議略 舊例解戶四名領解梭布一萬六千一  
百八十五匹棉布四萬八千九百三十五匹除價損  
外又有墊貼銀兩共銀三萬八千四百四十七兩零給役  
之費差亦瞻舉然五年之內必竭數十大戶之力甚  
至破家而猶不能完者何也大戶出名則人皆利之  
自領銀以至銷批之日在外在京等吏書而上極於  
內庫官監無名之費不可勝紀若改以爲官解則奪  
其擅募外費永革而內費亦省其十之七八以內外  
所省盡歸之正費則官解無累然向來官解不能竟  
事者何故領買不得其人收解不得其法差委不得  
其官也今在城機戶慣織官布者原自有人查布分  
別二錢三錢有每匹定價三錢八分或四錢者各增  
二分則機戶不謂厲己也而任之矣機戶既定則分

派里排令各買二三十匹上納卽算除白銀比簿之  
額且一二月之前以銀交機戶報數在官已免里排  
比責一二月之後仍嚴限機戶交布其不如式者止  
責之機戶則里排無受勒受賠之累亦不謂厲己也  
而任之矣又何患領買之侵費乎里排納縣驗訖卽  
同填價墊貼一并解府仍於填價內每年量扣百金  
修本縣及糧廳坐船二隻以供運載而監官解之直  
至河西務起岸登車亦卽於填價內扣銀雇車入京  
凡車每輛若干亦有舊例定數可比者卽或水陸舟  
乘解官不能不藉書快之照管仍每名重給工食恤  
之而現成銀布官自監守與書快無預又何患收解  
之乾沒乎解官向爲縣佐府幕所營求蓋不待布之  
起程而費已不貲況衙役因之以騙剋其貲耗尤甚  
迨解官到京欠納一以身家相徇而悔無及矣至今  
談者哀之頃者新奉功令以官布責成白糧總部官  
帶解蘇常各府以佐貳官解隨卽遵行松江因屬民  
解未卽議更然年年縣奉總部催解總部入京亦年  
年蒙部切責今果遵旨委糧廳幫解其領買收解俱  
行縣料理計原編填墊儘足潤解官之苦當不至力  
諉也又何患差委之營求乎夫差委與領解收買俱

無可慮則官解行而民解可免卽舊役分任白糧等  
解則一邑之役盡輕矣豈徒爲布解一役而已邪乃  
鄉紳持論則曰官解美法也行之數年而不繼則仍  
爲民累且曰審編必公道必殷實發銀必早必完必  
永如給申自收之新法爲布役計身家計長久無過  
此道矣縣司再進布役而詢之各役亦謂身係大戶  
往役固宜但得役之不竭力不破家者卽屬萬幸今  
給申收銀法使役輕雖布解其苦亦甘之矣先據糧  
解邱賢等條陳謂布役之苦衙門指詐獎寶無窮貂  
瑤勒索難盈且不特此也買布而後領銀不免  
重揭子錢且買布印驗解布獲批而價未領足卽領  
亦必仗請託賄求所領又不得實無怪乎民間視之  
如蹈湯火也旣蒙洞悉前弊布銀現給全給并衙門  
需索一應牌票雜費盡行禁革所省實多各役皆有  
起色矣佇望申詳將前項積弊嚴示禁約其自收新  
法勒石永垂卽是陰德初縣司蒞任之始查儘京邊  
金花完及五分卽派仁義禮智信五號銀櫃令布役  
自收收完具領吏書不令經手民納之而民收之故  
放領營扣之獎徹底清釐此固法之甚便而可久者  
今將官解一議俟之後舉但嚴禁衙門需索雜費仍

永行自收之例則官布不爲民病矣

北運議略 北運民解二十八名計米共三萬五千

六百零糧計京凡春辦包載隨溜起制之煩與漕軍

探車載狼籍之耗歎家構索內瑣橫擾之費種種

如茶已不能堪然事勢有所必至即各役亦安之矣

至前役需索船戶帶貨及撐夫短絳分外打詐中途

受累最甚是在總部官設法嚴禁縣司曷敢越俎而

問惟是派收糧米儘本名本圖本區嚴比速完使之

歲除前後便了春辦即起行早則中途濡滯猶不致

於守凍而費自省其車水腳銀一照布價之例分派

給串先收勿令吏書經手以杜扣剋等弊則原編銀

兩粗足前途之費如去年北運自謂不必到京每名

所收糧銀已省至三百金職此故也法稱最便應垂

永例

收兌議略 本縣漕兌一十七萬有奇不爲少矣舊

例八十區點糧長八十名收納口米與官軍交兌役

稱最苦二十年內懲區運私侵逃累之弊始改收兌

六十名責令坐倉受納不許在家收費且將闔縣各

區糧米縱橫派收照派押兌而其苦益甚如收兌一

名派米一千八百石先期比較里排催納不足其煩

戶拖欠事所必有及軍船臨欠兌姑令糧長代出而後追頑戶補償雖萬不獲已之勢而追補不能如數則是以前幾名糧長代一邑之頑戶完逋此賠兌之苦也歷年糧長慮臨兌派賠則以收足爲勝算或他人以入錢收一石則此以七錢收而彼又以五錢收收者攘之愈急其折價愈下傍倉各棍利其然即包收鄉閭細戶東西觀望但價輕者與之故游手閒棍享不貲之獲糧長每收二石止有一石之實而暗賠者半此搶收之苦也夫搶收者賠而未收者亦賠糧長所貯之米自然不能應兌而倉棍知其底裏情令兇軍乘機打詐以便話會交兌於是迷匿者等僨者一以身家性命爲孤注此構詐之苦也固有二苦而糧書之權始重矣蓋本縣之有荒區此其地勢使然而又巧構細戶另捏頑區名色故糧長畏其荒頑不完則賄派熟詳區分而派收者有費凡衛所幫大軍悍糧長委曲規避凡出兌之先後亦以賄嚮而派兌又有費然在門內者一肅禁之卽止而三苦則積痛難療縣司極力調劑始得成效大抵區除荒區改派軍儲地孤等則小民不得藉口拖延而又嚴禁頑區名色以開抗逋之門此其要也凡糧長已收者派役法

允其民欠仍著蠲戶自兌且先於歲前追完貯倉以  
待軍船則賠兌之苦豁矣循區運之法每區倉大戶  
一名或獨充或朋充止令收入本區而越收顆粒卽  
有厲禁棍徒不得東西游納以取利其逋欠卽行國  
兌則搶收之苦豁矣糧長照收派兌又無抑價賠耗  
自有貯足好米待兌而悍軍倉棍不能挾制一照縣  
司前詳每百石遵例出給私耗縣衛正印兩面交兌  
米不往則責糧長軍不受則責伍長奸棍無所施其  
口舌則構詐之苦豁矣縣司行之數年流弊已杜似  
雖紛更第猾書會奸違奪生涯卽暫時斂避其神通  
保無終變乎

收銀議略 收銀一役較運解之費頗省如募書工  
食及發串紙張等項值以顧氏貼銀一役辦之足矣  
第收銀兌解則輕重有等最重者無過金花今每千  
額派三百兩前後適均至於銀匠解官必當堂兌發  
期無苛勒其他散兌最稱便宜亦以傾錠多少參派  
不縱總書上下其手自無偏累之歎且揆定班次隨  
收隨放使之早竣歸寧尤稱省便且每年額銀二十  
五萬除逋欠及對支外止編收催二十萬合五年計  
之則以百萬爲率盡大戶而役之常難取盈今除此

運布解約四五萬兩振權自收計五年可省二十餘石卽以之加輕於七十餘萬之役則人人輕省是亦暗消役累之法也凡此苦心調停永絕流弊似宜相守無更者更查火耗一項上下聞之知之誰能掩耳偷鈴第此中剷除六釐三毫較他處以分錢計數者遠甚然他處賄加於民江南賦重故小民以輕等色銀重困收役則此項亦獨取之收銀役人最稱不便縣司居恆恥聞之卽出身策對痛言其穢故任青溪迄今示革陋規卽首此項況前縣多有恤役示禁者卽縣司行之亦非矯也後來豈無同心蓋在官之族陋一禁則衙門無名之費一一肅除其加惠收役并一邑小民有不止於毫釐而已者

國朝順治二年除明苛政凡南運粗細布各色解戶及收銀總催諸役俱罷之改爲吏收官解仍量畝均編經費銀以供領解官吏役匠之費

三年巡撫土國寶從常熟公正許國賢請仿前明巡



撫黃希憲事例題改白糧爲官運民運之累盡息

妻志

四年華亭知縣潘必鏡改行圖收圖兌卽以里長收

糧兌軍未幾復故

六年巡撫御史秦世禎題定官收官兌部覆通行而

雜費無從取辦故陽奉陰違猶僉民戶承值

郭志

十二年禁止雜差造船諸役

郭志

本年四月戶部行三百號勘合準御史馮題爲派徵苛橫非常事奉

旨依擬通行一切造船油麻大樹煤炭釘鐵箭枝馬料鑽

夫水手造冊雜項酌議補編會計估價給料如有擅

出牌票者官參吏究按

察司使刊刻須發遵行

十三年分華亭西界三百一十里爲婁縣重定里役

華亭縣每年三百三十六名

婁縣每年三百一十名

郭志云先是十二年華亭知縣鄭公明良編審經催計田役輕重均平人心悅服及是張公超繼之綜理周密編僉詳慎而徵比有法每經催完銀如數即先期懸示免比民知警動所省雜費皆完正課時以

為鄭公友元後惟兩公能媲美焉

華亭縣知縣張超審定小役開序竊稽華邑有大

役有小役大役如北運細布收兌收銀是也小役里

催是也年來大役如北運細布收兌收銀是也破家幸蒙

恩賜

改為官解細民得稍安枕席此真百年之利也獨里

催一役傳徵正課勢不得已但人謂大役難小役易

不知大役竭其財力以竣事如壯夫卒病稍能堅忍

仍見昭蘇小役有經催塘長總甲種種難差如屏稚

而病勞瘵不盡其元氣不止人竊謂議大役則難小役

易不知大役或一區數戶或一保數戶小役則異是

止論圖分大至七八千畝不必逾於十分之外小至

七八百畝不能虧於十分之內其荒小之圖畏役益

甚則營卸益巧縣官竟無可措其手足是以難也余

公工府志

卷二十七

田賦志

主

役法

定竝不假權於左右以向來當大役之人當大役則  
不足以向來當大役之人當小役則尚可勉力以從  
事故盡落其零星細戶以及孤寡殘疾之人責成於  
中人之產立意似偏無心無愧也前審有圖書代充  
之說圖書大抵皆赤棍也恐不畏死寬比則焚津貼  
而蝕正賦嚴比則赫門單而越境根尋正身徒重累  
耳今不敢也前審有一甲均充五甲均充之說役無  
所主零星雖派豪強者搶辦以自肥孱弱者責妻鬻  
子以代比不均孰甚焉今不敢也前審多立詭戶今  
原報單書其名必詳其號住其居年著其業驚疑惘  
喝移張換李今不敢也前審如奸徒王亮生胡陞鳴  
葉想陳沛如等各捏一名渾渾淪淪竝無花戶及至  
輪役按畝報補既補復賣賣既賣復補婪索無窮仍至  
虧空今不敢也前審有圖書匿數賣數之弊皆由經  
界不清悉其蒙混今特造挨號冊自一號以至千百  
號號號著落號號著明業戶卽有蕩漢公占沙海荒  
絕等地和盤托出均勻品搭自無偏枯圖書藉口賠  
荒經催藉口無辦今不敢也至如荒園酌井以減民  
勞坊廂追貼以蘇重因此皆隨地立法大費劑量超  
以三年之采訪重以兩月之贊對破從來之積習定

五載之役次曾子曰十日所視十手所指意亦有垂  
諒者矣今役冊具在與當日役榜一字不更所以昭  
信也結寫已竣將申各憲并存縣以告神君因列其  
顛末不禁詞之複云

總甲雜差當恤議里役一名以一年催辦白銀清  
糧以一年輪值開河應長以一年充總甲總甲之役  
近時尤為繁苦一切雜差有馬草水夫鑽夫大樹壯  
丁鄉兵鄉勇火藥鉛彈田稅房船稅牛稅清丈開經  
緯開黃岡人丁冊逃人冊掛門冊蘆葦冊種種支應  
總計一圖旬日之間牌票不下一二十紙惺惺小戶  
其能舉此乎即如馬草一項每圖官給現銀五錢派  
取稻草五十束不過悉照時值耳而一出牌票差人  
索酒飯錢船錢差使錢經承索使費錢及納草之時  
經收者有例管倉者有例每圖無不費數倍以外矣  
至如水夫鑽夫大樹壯丁不過偶有軍興役使而繁  
縣各圖無一得免者差役因而包攬折價每項常至  
費二三十金矣鄉兵鄉勇一出牌票差人與經承相  
為表裏先許總甲以資糧許大戶以圖練詐小戶以  
徵調名為衛民其實害民也火藥鉛彈非本地所產  
而每圖派取三十斤火藥每斤折價三錢鉛彈每斤

折價九錢一與經承串通則每圖約費五六兩既給完票究竟不歸公家也其他清丈等冊不賄承差則愈造愈駁造冊之費有限而追求之害無窮誠得官長留心體卹如髮縣若干圖當立一印冊遇有水夫等軍興之用萬萬不可省者量其所費應得幾圖承催照次點檢後有雜差卽將未差圖中僉派開而復始毋使該房干預則始無偏差之擾終無賄免之弊矣其餘各項務在僉票之日精詳檢點在官省一牌票則民間便省數金之費毋使剗肉醫瘡之民鬻妻賣子供衙蠹泥沙之用也

十四年巡撫都御史張中元禁革首名糧長并縣歇

倉歇蠹役

江南通志

十六年

敕撫按官禁革提充徭役及塘長納贖銀

郭志

郭志云舊例十年一編里役近以民戶易於消乏役事繁重改爲五年後或三年二年輒復僉審又或臨

期暫僉一年止將舊役抽點承值名爲提充明年勢  
不得已又踵行之遂爲故事於是圖書奸役恣行需  
索民不勝困矣至里役辦糧次歲輸值開河名爲塘  
長原爲木圖蓄河築堤以備水旱其後差助遠方致  
各圖水利不修已非初制明季遂以差助爲常其不  
點差者名爲曠役每名納銀若干名曰納贖不用其  
力必竭其財於子民之義何居近奉革止民慶更生  
山東道御史施維翰請復十年編審疏題爲編役  
歲搜無法民膏暗竭難支仰祈  
天語嚴察以清蠹弊以救殘黎事竊照東南財賦殷繁徭  
役疲周其閒如官吏之侵欺火耗之逾額兌軍橫索  
賦而百蠹隨之具經各衙門條奏地方撫按諸臣

現奉

嚴給釐剔庶民有更生之望矣然臣以爲供役之苦民害  
在顯而易見僉役之蠹國弊在隱而難除故以臣鄉  
見聞所及爲

皇上陳之凡縣之中有充南北解役者爲大役五年一  
僉已經議革一里之中催辦各戶清白完之縣庫縣  
倉者爲小役十年一僉按產分編挨輸承役官無歲  
舉之繁民有息肩之隙此役法定例也近因官吏奸

役法

食每役止編一年每年提審一次考其故何哉編役以五年十年合算則數多一縣里戶之稍稍殷實者彼此不容隱漏而官吏亦無容上下其手若止編一年則役少而可役之人多甲之賄入可移之乙矣乙之賄入又可移之丙矣每移愈下承役者必單丁產薄之人而貧者之身家盡矣且一年一審則往歲之爲甲爲乙者今歲又得以役恐之不得不如前納賄或更加甚焉每每一歲一提審一審一納賄而富者之身家亦盡矣況圖書造冊有費田畝之歲入有限公私胥承行有費差役拘提有費田畝之歲入有限公私之歲出無窮於是百姓以產爲戒上戶棄業鼠身下戶投繯沈水嗟嗟東南斃於供役之日者什之五六斃於編役之日者什之七八矣伏乞

敕下

撫按嚴察提充納賄之弊仍照十年一審之例使小民筋力稍舒歲月少暇得耕鑿以供正賦所裨

國計非淺鮮也伏候察禁施行本年戶部題覆奉旨依議行

施維翰請禁塘長納贖疏略松江府小役之中催糧之次年兼修本圖水利名爲塘長漲則防隄涸則涸淺時無水旱相與休息役法昭然未嘗另有輸納

也後則立曠工名色免其開河而令民納應役之銀  
每圖索費三四十兩不等官吏分肥沿為定例不然  
則派開闢保河渠工難路遠費重勞深勢必加倍上  
納以求解免不知所稱應開之河何官相度所應役  
之夫奉何文估計所應納之銀作何項支銷伏乞  
敕下撫按禁革納曠銀兩其本圖塘長止開本圖河港如  
本年無應開之河即當相安無事不許借名納曠則  
役外無役而小民之悉力供正役者子來恐後矣本  
年戶部題覆奉  
旨依議行

十八年戶科給事中柯聶奏編審之弊部覆通行役均

成書

戶科右給事中柯聶疏略題為請乘編審之期更  
定充役之法并釐從前之積弊革久踞之蠹書以垂  
永久以蘇民困事竊惟任土作賦因地起差此古今  
不易之常規亦各省通行之大例也但恐人戶之消  
長不同田畝之盈縮亦異所以定十年編審之法則  
役隨田轉開田時定富者無免脫之弊貧者無蚊負

役法



之憂勞逸適均輸將恐後法至善也臣三年里居每見考課雖嚴而各省之報完甚少

恩詔屢赦而錢糧之拖欠仍多細思其故官吏之侵漁差

徭之繁重固非一端然其根源總由於貪黷之不公

積弊之未剔今年前冊已滿目下編審屆期即先經

戶部題覆請停無益之黃冊一疏亦云以十四年為

始五年編審一次此小民身家利害之關亦胥役張

牙吮血之會也若不徹底更張痛除宿弊何以拯民

困而垂永久乎以臣聞見所及約略五端為我

皇上陳之一里甲田畝之額數宜均也查一縣田額若干

應審甲長若干每里十甲每甲該田若干田多者獨

充一名田少者半充一名其最零星者附於田尾名

曰花戶此定例也所以各項差役俱係里長挨甲充

當故力不勞而事易辦獨蘇松兩府名曰僉報殷實

竟不稽查田畝雖云十年定役又復每年小審前冊

里甲輪至後冊有田已賣盡貧無立錫而仍報重役

者遂有田連阡陌坐享膏腴而全不應差者不特十

年之中偏枯殊甚甚至年年小審行賄求情挪移脫

換叢弊多端田歸不役之家役累無田之戶以致貧

民竭骨難支逃徙隔屬虧朝廷之正賦荒成熟之腴

田務所  
嚴敕撫臣通行兩府及今大造之時必期田盡落甲役必

照田務將本區之田均入本區十甲倘本區田多則

派入下區按田起役至公至當不得憑空僉報以致

賣富差貧之弊庶幾役均而民便未有不急公輸納

者矣一花分子戶之積弊宜清也夫里甲十年一定

田多僉里長田少為花戶固矣新省各屬有等奸頑

富民串通本里開書每於編審之年捏立鬼戶飛洒

田數少者四五畝五六畝不等多不及十畝而止田

數既已無多重役便已漏脫及至臨審缺額反將貧

民指產串立應充是田多者以花分而得卸擔田少

者以愚實而應重差是皆冊書舞弊以致苦樂不均

今後各縣審役悉照上屆榜冊其一應推收必驗實

有絕賣稅契方許分戶如並無戶丁說立花名者查

出其田入官冊書與本人依律治罪則飛洒之奸絕

而田皆歸本戶矣一詭寄之陋規宜懲也

國朝優免則例原照品級之大小派免丁銀之多寡嗣後

部覆止免本身丁徭將優免丁糧悉應停免則紳矜

士民久矣一體當差矣但查前冊定自順治八年時

部覆科臣劉顯績優免有畫一之規一疏止準免其

旨遵行所以進士舉貢生員猶有各立的名或書職銜名  
日宮戶儒戶凡雜項差徭量行豁免至於正額糧賦  
各自照規完納但因雜差繁多未免有親族人等冒  
借名戶希圖幸免以致紳衿名下幾甲任意捏名挂  
州長吳等縣有名自輸戶有各下幾甲無名并寺觀  
立甲外且有鄉紳物故已久生員學圃然討免各差  
香火上司承差書役亦皆各立戶名公然討免各差  
今番造冊務將紳衿的名之田另造一冊達部存案  
倘仍前陋習借名入冊將田入官本紳及親族人等  
嚴加議罪如有仕紳遠宦其親族私自立戶竟將本  
人加等治罪原日仍行入官庶詭寄之弊革而小民  
不致偏累矣一冒籍之立戶宜禁也紳衿即在本邑  
止免本身丁徭況係隔省豈宜冒免即或鄰近各邑  
開有置買地畝亦當編入民里一體應差乃江浙陋  
習竟有隔省鄰縣竝無寸土偶有親戚往來便爾捏  
立冊戶冒籍之客戶日多本地之充役更苦今編審  
之時凡有隔屬仕宦另立名戶希圖免差者本縣據  
實申報嚴行處分如縣官徇情不行其中另被發覺  
一體治罪各紳亦當於鄰省各縣著意稽查如有冒

立本戶卽宜早自首明不得待事露之後藉口不知  
覲免議處則客籍不至濫觴賦額自歸畫一矣一聞  
書之買充宜革也江浙各縣每於經制吏書之外每  
里各有冊書一名或號里書或稱扇書專司書算似  
不可少然此輩智昏於見金術工於舞弊乘今大造  
之時每人各出頂首銀若干買定里區至造冊之與  
移甲換乙漏富差貧卽前花分詭寄之弊皆出其手  
更有臣鄧秀水縣積棍包頭名曰歇家卽係區書一  
人買充數里每年包納錢糧額外私派俱屬積歇掌  
握甚至收愚民之額課而臨比不完包富戶之差徭  
而散派各戶況各縣竝無此役獨秀水一役盤踞難  
革積蠹萬端更聞杭州各邑有以生員包充冊書官  
法旣所不加舞文益復何忌此番急請  
敕行新撫臣將秀水歇家杭州生員應充者嚴檄革除至  
各縣冊書止許本里公報誠實無過精於推算者專  
管推收書算等事是革蠹除奸之本也以上五款實  
係編審時之大弊臣訪之江浙兩省者最真計今編  
審屆期必須預行禁約所  
敕兩省撫臣通行各屬盡法除革并勒限冊報部科以便  
稽查庶役均平而民咸樂業徵輸有法而

國課無虧矣餘外各省雖審冊之期不同不能保無各

獎應乞

大語申飭一體遵行者也如果芻蕘可采伏惟  
敕部議覆施行因係條奏字數逾格合并申明

康熙元年巡撫韓世琦飭行均田均役嚴革經催

江南

行松江府案巡撫都御史韓為請乘編審之期  
等事照得三吳田賦十倍於他省而徭役困苦莫甚  
於今日豪強兼井之家膏腴滿野力能花詭避役以  
致富者愈富貧弱無告之民役累隨身每至流離通  
負將見窮者益窮是皆有司不念民瘼編審無法任  
憑胥蠹作奸流弊莫可究詰近幸

廟堂軫念奉

旨均編當亟遵條例通計合邑田畝和盤打算按圖裒益

品搭停勻務將圖外官庠自兌附戶花詭等項盡行  
刪汰一惟論田起役纖毫不許躲閃俾戶無無田之  
役田無不役之人庶幾積弊頓除窮檐稍可蘇息無  
如所屬有司仍多瞻徇豪右迄今未見力行合速嚴  
飭為此牌仰本府官吏查照來文并釋原行部咨事  
理即將所屬各縣統計合邑田畝若干分配區圖逐

里均平將一應圖外戶名盡歸入甲知官戶務要直  
開鄉紳姓名不得造入子戶朋名及知數名字其鄉  
紳子弟假借冒立者痛行禁絕至於庠戶必直書生  
員姓名與學則比對不得以別縣戶籍影立混淆一  
應徭役按田起差毋蹈夙弊仍前編累通限半月內  
均完速報倘再有違玩不卽力行或勢要豪猾造言  
阻撓定以淳  
旨糾參嚴處本院矢志力行官吏士民毋得以身試法文  
到卽速先取遵依報查  
毋得遲誤須至牌者

二年巡鹽御史趙祥星免其縣一保十圖十一圖里

役雜差

郭志

本府申覆準免雜差文案 婁縣一保一區十圖十  
一圖里民沈敷陸明俊毛盛等呈為役同苦倍事蒙  
巡鹽御史蕭 批發松江府查報續奉巡鹽御史趙  
批行轉行婁縣知縣胡思虞查覆得風巡地方江  
浙要衝十圖十一圖一應承值送迎夜夫諸項差徭  
繁苦實充坊廂之役而仍當鄉圖之差此一圖兩役

一役兩差歷奉憲行相應仿照坊廂圖冊免其各項  
雜差使無偏累等因到府該知府郭廷弼看得風淫  
一鎮果係浙直要津上臺往來必由之道十圖十一  
圖生杭該鎮承值送迎不遑寧處較之僻地之役勞  
逸實霄壤該圖援引坊廂事例額免一應雜差以  
據該縣覆勘委係繁苦相應轉請憲鑒免其雜差以  
示優恤仍勒石禁革使可垂久則奸役無乘機混差  
之弊而勞民不致有向隅之泣矣具由申請蒙批如  
詳行

五年婁縣知縣李復興詳行均田均役法

魯志

均役原詳江南松江府婁縣為萬姓之倒懸已極  
故輸之立法宜更仰祈詳憲并用以難民困以裕  
國課據呈一六等保里催王臣徐仁張光周吉等呈  
稱竊念均田均役久奉憲行其如所定捆束皆由圖  
數把持圖書掌握田多者受賄免脫田少者無賄難  
惟造冊則朝更暮改分數則換李移張先後任其倒  
置多寡聽其游移雖有均田均役之名初無均田均  
役之實也急公奉法一時之貽累靡窮遽徙他方異

日之株連難盡始則年首逃亡繼則全圖驚竄以致  
催辦無人糧白毫無完納官府之受罰受參經承之  
被坑破解總由於役法之不均故其弊有不可勝數  
也今試查歷年之積欠官儒役有乎逃者皆圖民也則知官儒  
今日之逃亡官儒役有乎逃者皆圖民也則知官儒  
役之錢糧易起者其田有定而累少民戶之錢糧易  
欠者其田無定而累多也今惟從前之役盡照舊圖  
來年之役悉仿嘉湖事例毋論官儒民役將各圖田  
畝彙爲一處其有真正賠荒絕戶造明圩段細號通  
盤打算量行均派使圖規不得移熟作荒業戶可以  
開荒成熟俟收數既定然後配搭成圖糧白則照田  
完納雜差則按畝均攤以本名之田完本名之稅則  
催辦省而小民無賠累之苦比較約而官長無督責  
之煩以本名之田立本名之苦戶則不必審役而役自  
定不必均田而田自均有利害無害一勞永逸救時良  
策莫便於此亦莫急於此矣今若因查舊圖現荒者  
皮骨空存倉庫如雲國役之逃亡日衆將來  
上臺之催徵如雲國役之逃亡日衆將來  
國賦何由而足兵餉何由而應乎伏望俯念民情嚴剔  
積弊將前由具詳各憲凡有田者各自造冊彙送印



定存案照賦或圖按田徵稅庶民困可甦  
國課日裕矣等情又據里役士民張元沈容等呈為賦

役困窮已極奉

旨遵憲至救湯火事又據六學生員王鑣沈讓夏書杜恆

春杜及春徐允貞宋殿郁鑒等呈為役累難堪額天

亟救事各等情前來據此為照賦徭繁重至今日而

疲敝已極斯民之困苦待救已非一日矣卑職荷蒙

覆茲敢不以

國計民瘼為念回任以來日擊時艱稔悉里閭於均役

一案只加意釐剔乃紛紛呈控或稱圖奸賣富砌貧

或稱蠲役移張易李或稱奸棍借情補之名恣意婪

索披閱之餘不勝痛心疾首於是嚴行飭革不憚勞

瘁按戶催徵非屬逃亡即係鬼戶種種無著隨誤糧

餉為查均田均役久奉

旨奉憲飭行誠屬愛民善政第奉行不力俾良法虛懸國

民交困今據前情除經會同紳衿遍傳里民共集細

酌愈同允議該卑職看得民之用於役者催辦差徭

其大關也今日之錢糧考成恭嚴乃日事追呼而積

欠如故者皆因田役不均逃亡所致耳今據自行并

田之議如一人有田百畝向皆花分為數十鬼戶跨

立幾圖思避差徭殊不知反中圖奸之計此報彼除  
東免西補終歸髓涸而後已因之民口窮而糧日通  
害官累民固非一日今盡議除年首甲首之名將通  
縣之田仍照原詳均編三百圖每圖一百束每束辦  
田二十八畝計一年之餉約四兩五錢有零每月所  
完四錢五分一限完足則給單免比卽力有未逮兩  
限輸納亦僅二錢二三分爲數無多十月全完殊易  
爲力矣在田多者自辦自田之餉田少者朋辦合東  
之銀辦省而役輕則鬼名詭奇又何利而願分如此  
則圖書不必革而自退有力者不待僉而役定矣其  
歸并朋辦之法聽從民便以就其相識者便於催徵  
耳庶田田皆役戶戶均差此真衆擎易舉之良法貧

日奉

憲紳民一體均差浙省蘇屬盡皆遵行惟獨松郡仍

有官儒役民之別查除塘工一差之外其餘雜役悉  
皆民圖承值以致田升勢豪役歸細戶紛紛逃竄軍  
餉有虧今議必均之法總於三百圖爲準奉有大工  
差徭詳請憲裁按田均派設有萬不得已之小役挨  
次輪流照圖承值設立號簿三百本申請撫憲印發  
各圖凡有差徭許圖民明登於簿按季繳縣彙申查

核既絕規避不均之端井杜騷擾橫索之弊矣更有  
請者查婁邑荒地較之他邑尤多非盡田之荒蕪也  
逃亡者衆則有田無戶或貧民無力開墾自棄其土  
或田歸豪強而戶仍逃亡偏累國民代賠今議必均  
之法將合縣版籍荒田統計縣額均攤於三百圖內  
共相開墾庶不至拋荒缺餉井可以墾荒開熟不止  
民受其惠卽  
國用亦由此足矣又照塘曠之役上無濟於軍需下實  
民閒重累徒充無益之侵漁遂成難革之積弊竝應  
詳請永禁除豁其名逢有開濬小工附近居民業戶  
均派承值大工遵照海塘事例通縣合算計畝均派  
使無偏枯之弊至於坊廂之役比之鄉圖之苦尤甚  
排門小夫比戶日繁一體子民何忍勞逸迥別必須  
酌逸津勞以資其費卑職待罪有年已悉役中大槩  
況職司民牧何忍令斯民之疾呼而不爲之請命以  
上數款俱均役之切要仰祈逐一批示非卑職所敢  
擅專者也爲此今將前由另備書冊具申伏乞照詳  
示下遵奉施行  
均編條議

一均圖之法一縣區圖田額多寡不齊若一體承役

必致大小不均茲蒙科憲柯題定均圖之法先將縣田地通盤打算均分若干圖每圖應均準熟田若干畝一圖分立十甲每甲應準熟田若干畝無論紳耆役民一井照田編甲則田必入圖圖無虧田永杜偏枯之弊矣

一井田之法人之有田者不必其盡在一圖也不盡在一圖而乃逐圖承役田多則催辦他人之田田少則又派辦於他人名下分頭四應日無休息矣爲思窮變通久之方識莫便於井田之法凡有田者不拘原舊區圖界限如一人有數百畝之田而坐落不等區圖者卽以數百畝不等區圖之田彙歸本戶遵照均定新圖田額分爲各口編列一處完糧其小戶田不足甲仍許因親及親因友及友共井一甲卽於甲內分注明白各自出口聽其自己造間呈遞開內開明收井原某某都某某圖某某號田若干俟遞到之日查其住址相近者拔順編配是爲以田就人非以人就田人人自收自田已完已稅不用催辦之勞可杜僉點之弊徵輸俱便較之原圖挨順割配之法更爲盡善也

一均役之法

里役之苦至今日而甚矣至今日之年

首爲尤甚夫一圖之漕白盈千累百分比各甲尙其  
花戶之挂欠而竟責之年首一人日受敲扑究無補  
於正供兼以株連不已詐索百端逃亡日甚能無枯  
木之恐夫紳衿役戶向有優免之例故田多者類皆  
詭寄避役其在圖承役者悉屬貧民小戶獨膺繁苦  
今已仰遵

朝廷

一體當差之旨竝入均圖照田編甲在錢糧則各自  
輸納差徭則各自承應既不偏枯亦無牽累夫役之

均也由於均田遠田之均也則并無役矣  
一銷圖之法通縣田地每圖俱有圩號務先著令各  
圖造明挨號一冊開注現業戶名呈遞存案以爲均  
田張本俾從前飛灑隱漏之弊盡行釐剔革除然後  
令業戶查明號冊照數收井部將業戶造成田冊逐  
號參對原圖核準無異隨於該圖原號內注銷俟編  
圖之日注明新編某圖訖倘有田數無多不願自己  
出名寄并親識名下務要開明原戶姓名以便銷圖  
仍再取戶領號一冊以與號冊爲經緯比如某圖一  
人共有田若干內某某圩某某號各若干就田之多  
少挨次攢造其存圖零星田畝無人收并者亦卽按  
田挨戶編歸一冊各照徵輸則無不稅之田矣

一徵輸之法徵輸條銀奉有部定之新限若分數不  
歸畫一串單不行編定則頑戶挂欠奸胥舞文焚從  
茲生矣務將業戶額銀照依會計先行算抵即將所  
派之額銀分作十分按月一分一月之中又分三限  
先令櫃書編定串單其式一單存查即爲根串寫明  
某區圖甲戶某月首限銀若干二限銀若干或三限  
銀若干前連三單謂之甲戶免比單每限一單則各  
開一限之銀卽截去一限之單遵限完截者不用比較竟  
限之銀卽截去一限之單遵限完截者不用比較竟  
自歸農不用差押以杜滋擾如一月不截卽弔櫃上  
串根繳查明白倘有存留不截之單立時差拘著令  
完截不可預行差押致使完欠無分勤惰無別也其  
算額編串如一圖十甲而止一戶者以一戶出額卽  
以一戶編串一甲而各戶朋并者以各戶出額卽以  
各戶編串方爲便民至於秋糧應作三限以一月爲  
一限亦須編定串單照前徵輸此法一定則急公者  
截票寧家可不見差役之虞而費累全消卽抗頑者  
拘到必完亦不致有拖欠之虞而奸弊畢除總之串  
存則欠串去則完竟查串根而比簿可不用也第糧  
書無歷欠之弊而阜快無索錢之門則此法非其所  
役法

顧麟欲便於此輩卽不便於小民矣

一分戶之法一年之內田有授受戶有去來糧從田  
出田隨戶轉倘編圖之後若有售賣之田驗明文契  
務將業戶姓名卽於甲內另行分出以便各自完納  
不得移之他處致圖額復有盈虧或有不出戶名之  
田始則寄并一人名下倘若怠玩抗糧亦許甲戶稟  
明分額專行追比蓋編定之圖惟戶可換而田不可  
換也

均編要略敘 三吳之困於役也戶口佗僚漸啟逃  
亡當事者無日不抱杞憂武水給諫柯公條利病以  
均田均役請

世祖章皇帝軫念民瘼亟報可下之計部移咨巡撫中丞  
奉行者艱於改弦撤催數四而未肯有應山左李侯淮  
婁邑閭役法之日敝喟然歎曰松郡舊有布解南北  
運收倉收糧諸重役今皆貼官料理民得息肩矣若  
圖中催辦該年總甲向稱小役而厲民若是豈得膠  
柱而不思所以拯之乎未幾侯以他事被劾候勘者  
年餘已而事得白奉

旨復

任遂慨然以均田均役爲己任諸曹吏遂巡膺膺多  
築舍語馬天麒獨曰此固便民良法也害不百不變

法今其時矣願力行何如耳侯喜甚遂捐廉俸集羣吏備文冊開局西郊專委天麒董其事三閱月而告成其一切徵輸之法俱直捷簡便可永爲遵守華亭上海青浦皆仿婁例亦開局均編松民自是無役四邑歡呼頌侯之德不衰而侯竟以河工註誤去位婁民匍匐詣制撫訟冤不可得侯亦以積勞致病卒於旅邸病且革猶以版荒未定爲嘆嘆也婁民旣載道輟春爰梓其均編要略屬予序予再拜颺言曰自故明迄今日造福我雲間者有名宦三人獨免雜賦則有巡撫周文襄釐正阡陌則有僉憲鄭善夫均田均役則有我侯皆奕世不忘者也且勿謂均役之功小也運思未均之時羣奸攘臂喻舌萬姓敲骨吸髓爰有三害五不便四弊逮均編行而雪霰咸消當事者亦曾聞其說乎何謂三害一曰審役之害二曰補役之害三曰花分避役之害役惟審而貧富始定也乃圖奸得肆其欲壑矣造冊歸并填單開報戶戶可以勒索况臨審而鄉民之往來守候資緣賄脫許告爭訟之費百出乎均編行而役不煩審審役之害絕矣往時編審大役五年小役十年有刻冊印冊以爲據也自役困逃亡不得不開報另補乃一圖補而十圖



效之朝張幕李移甲換乙圖囊術盡又喜役之無定而指爲利孔凡有立錐者人人自危均編行而役不須補補役之害絕矣有田之民皆良民也自役重禍深爰思避役輪賠圖奸花分鬼戶苦役則小戶任之民生之所以日促也均編行而有田者樂於歸圖無論多寡和盤托出而花分避役之害絕矣此三者皆未役而先羅其害者也若乃承役之後其大不便者五一曰圖碎而分圖承役之不便也假如一人有田百畝挂五六圖此鄉催辦彼鄉該總安得百其身而應之圖奸乘機包攬侵漁虧空釀禍無窮今者并其田而歸之一國不必分頭四應也一曰田少而代人承役之不便也主戶有役必催辦外戶之田皆素不相識之人臨限而以他人之完欠爲完欠血杖其能免乎今者均圖而獨彙本名之田責成既有專屬卽合彙親友之田痛癢亦復相關也一曰圖額之大小不一而承役不便也本郡圖額大者八九千畝小者三五百畝圖大財人力有餘乃田多糧多難於催辦圖小則催辦頗易乃各項雜差與大圖一體承值民力何堪今者均圖而田畝適均永無勞逸偏枯之患也一曰圖田之荒熟不一而承役不便也蓋各邑熟

圖之外原有舊荒圖新荒圖載在那乘從無徹底清  
完之額奉法者甘心受杖畏法者結隊躲閃其中偶  
有殷實富民則必年年切役甲甲拖累不至於懸罄  
不止今者均圖而荒圖熟圖一并彙入本名凡受荒  
圖之用者但有水旱歉收之患別無株連拖扯之苦  
也一口客戶之承充總甲至不便也遠鄉客戶挂身  
數十里之外而責以人命之呈報強盜之救護有不  
誤公犯法者乎今均圖而止用排門甲長比閭族黨  
之間遇有獄案則是非公遇有夜警則救護必力  
也處此三害濟之以五不便苟均役之法不行是生  
四弊何謂四弊各圖之田多寡哀益盡出於圖好之  
手年來逃亡多冊籍散隱漏飛灑之難稽是謂圖弊  
均役行則田皆彙收不復受權圖書既無造弊之人  
亦無留弊之地而圖弊絕矣東南賦額繁多雖有劉  
度支固難指顧而算也若使圖額儘額參伍不一總  
房可以先期押捺管比可以臨限賄賂是謂胥弊均  
役行而每圖每甲止有此數後先之完欠瞭然即一  
行之算法可省而胥弊絕矣錢糧收入衙胥之手難  
保其無侵蝕也或銀已納而未經投櫃種種欺弊不  
未經登號或號已登而未經投櫃種種欺弊不一而

足是謂權獎均役行而先期書申自封投櫃完者以領去之串爲據不完者以未領之串根爲據完欠既已分明收書無從影射而櫃獎絕矣且各房經承未有不望蠅頭以自潤者也如向來所派青樹水夫等項用一派十玩法良多是謂衙門之通獎均役行而偶有雜差必齊集鄉三老從公酌派申憲定奪雖有意外之役總無不均而各項之通獎皆絕矣子曰天下國家可均也中庸不可能也今此均編之法直捷簡便平易近人黃童白叟俱能遵而奉之循是道也朝野官民譊然家人父子馴至剖斗折衡而天下平然非侯智足以燭奸勇足以服物仁足以利濟萬姓鮮能排衆議而力行之者公既沒而四邑之民謫思不絕巷哭野祭隨公是法而制刷表章之是豈有威福勢位迫而致之哉秉彝之公感恩之深誼之所不能已也後之覽者蕭規曹隨成畫一之治

先皇帝愛養黎元至意於是乎大慰豈獨食侯之德勿護哉謹盥手而識之簡末郡人沈荃撰

續免總甲原詳 婁縣爲再申役困之餘殃務期救民於水火事卑職體訪得總甲一役大害有四小害無窮大害者日私鹽日盜賊日人命日火災假如一

圖不下數里一里五六村住居寫遠斷續相隔總甲止一人也又或總甲住於城市田畝置在鄉園鄉城近以里許遠者數里不止一時大盜竊發大艘與販拳械相毆不測火災縱然插翅飛不到犯法處所至盜散火滅輒加總甲不救且人命無論真假尸著總甲處貯總甲之貧者必至鬻女賣男若溫飽者兇手尙未獲可總甲已費用無遺矣合無詳請除免總甲名色專行保甲其法無論鄉村城市編定十家爲甲十甲爲一排挨順編戶每日一輪置立一牌牌到之日卽爲地方十家之中過而復始以均勞逸不得更易面生可疑竊盜流棍不禁而自去矣至私鹽出沒嚴飭該司巡檢亦不許越境生端縣司仍卽發循環號簿頒給各圖凡遇控賣私鹽填注該犯姓名朔望呈縣以憑申憲密拏以杜私販人命或問地方亦止十家之內尸骸令原告買棺盛貯火災則罪止於火主而總甲可化爲無事矣

附坊廂里役原詳

一止革回風何者坊廂總甲舊有朔望回風之例明係具文無益於事今除總甲而行保甲若循故事一

甲之中各須一人每逢朔與望日錯趾盈庭間井之  
民不勝奔命自宜永革以杜虛文  
一均定課鈔查門攤課鈔前朝向有定例出於城鎮  
開張店舖之家戶分三等九則華亭舊額銀六百五  
十兩有奇分縣時裏未有官被奸胥以少作多盡飛  
婁邑致三股之中裏居其二故數倍昔年前撫院檄  
免鄉鎮燒派槩縣在城止時經承不同戶口之多寡  
竟照浮額加四增派是戶少額多者益多而戶多額  
少者終少偏枯爲害莫甚於此今奉憲臺爲民造福  
無不均之役不均之田矣在此項先須通盤打算計  
合縣在市間張店舖之家若干戶核其店之大小分  
定上中下三等九則定其數之多寡苦樂均平無向  
隅之泣卽令保甲各戶一知白銀例自均投櫃不得  
再委幕官妄生支節以終均役之餘事  
一排門小工舊例各衙門修理值作芸草等項小工  
出於坊廟在市排門往役之義似難除免但此役向  
屬各圖總甲撥派其開工次大小名數多寡因事起  
見從不敢濫而執票衙役尙有向總甲而索折乾者  
今總甲既除勢不得不撥差於捕衙員役借端紛擾  
或所需止數名而混派百名或所喚止一圖而徧傳

各圖是使人人有差日已有差卽一甲止輪一人一  
人止值一日而各國小工已動趨千計往役者有限  
折乾者不費民力幾何豈堪任此今槩縣各項俱已  
議出均田則此項亦應以徭役雇募凡遇上司按臨  
埽滌公廨官府上任受理階除與夫城堞鋤薙之類  
悉是工房支領召募人夫亦不得借題開銷濫支花  
費庶幾公私兩便倘或萬分不能因循舊例須以一  
月之上下定各圖之前後按期計差不容紊越仍就  
工次之大小撥名數之多寡挨甲輪流週而復始凡  
經派過之甲卽於排門冊內注明某月某日某衙門  
差訖庶幾起止可以稽查并杜疊派折乾之弊  
一修造雜夫小工之出於排門修造船隻及新舊物  
尤有不應差而差者如各衙門修造船隻及新舊物  
件各船水手既有工食值作看守自應若輩向遇小  
修大造逐圖撥派不必人夫到工但要折乾入彙爲  
害最甚今後當令水手自行承值不得復派民間  
一承值匠小甲撥派在城者承值在鄉者貼工原與總  
係各匠小甲撥派在城者承值在鄉者貼工原與總  
甲不涉先年因軍前置造甲仗及胖衣旅帳等項一  
時軍需孔亟小甲躲避暫令總甲協拘相沿成習貽

累非常自後應仍著各匠小甲自行撥派不得責之保甲騷擾民間

一撥派船隻各衙門公出及應付差承官舍船隻自有埠頭職事近反勾通兵房橫著總甲於馬頭撥派船戶通達總甲雇募利歸埠頭害貽總甲今總甲之役既除若復問諸旁馬頭之保甲其魚肉更多禁索更甚以後撥派船隻應宜專責埠頭永絕民害

一地方看守凡封迎王大兵船隻不論數之多寡向來停泊何處即著該地總甲看守通津大路照管不遇或被營伍勢豪所奪一經差誤笞血淋漓雇募頂補經旬累月晝夜無寧甚至傍河居民悉受箠楚以後一應封過船隻當即著原封之人自行看守庶船無走失民害永除

一船夫橫索各衙門船隻停泊水次船頭水手三五成羣橫索坐圖總甲酒肉銀兩及支更人夫折乾治及各圖到處威逼每逢節候分頭四出勒取年規節料不飽不休今總甲既除此輩鬻養成習節復索之坊廂保甲家至戶及民何以堪所應詳憲勒石永戢以除積棍

一開報禁卒司監禁卒向例津貼慣役承充查順治

初年司禁馬德等呈稱禁卒缺役票著四門開報以  
致不肖差役串同作奸沿門詐騙移張換李擾害實  
多致總甲陸賢張茂等議將顧光祿原助夜夫項下  
義田分給司獄司租米七十四石華亭縣內監七十  
六石四斗府總捕司并續分婁縣刑具禁卒八十一  
石六斗零各禁自行取租完糧贍役設有死亡疾故  
令其自相召募二十年來相安已久不意康熙四年  
閏六月內司獄官忽乘禁卒身故復引募補之請借  
題開報苛徵益多究及報充之人一到司監積年禁  
卒百般凌辱仍忍氣吞聲任其包攬但前項義田各  
禁現收取米租坊廂編戶何堪歲歲需索伏乞永為  
裁禁著之令甲以絕滋蔓

一開報門子此役良家子弟既不肯充著圖開報惟  
供需索需索既飽仍自小甲自行招募不得復問民間  
取用門子止須門子小甲自行招募不得復問民間  
一借用什物凡衙門公館借用家伙一遇上任按臨  
宴會及口口侍科舉工房出票向坊廂借用檯桌器  
皿一經借去破壞者間或發還完固者即行乾沒疏  
獎擾民已非一日今總甲既除豈能復向保甲索借  
此項應於內量派備辦用畢工房固封公所



繼將來

一支更工食查刑廳縣庫支更總甲向無此例昔年  
因兵燹之後哀鴻未集刑廳以淋雨塌牆縣庫以李  
鎮籍資議私貯庫一時暫設不意相沿為例每夜出  
銀貼與價役支守日積月累所費不貲今既除總甲  
應於均田內量給工食若干庶公私兩便民困永甦  
一按臨事宜凡上司按臨馬頭搭蓋篷廠浮橋應著  
工房於鋪行內量支物料俾集工匠紮角搭造事竣  
折卸記數留頓公所不致臨期屢索民間其支更擊  
拆撥派雲開遞運所驛夫其進院如馬槽鑄刀等項  
應著兵房於均田內備辦事畢收固以備將來毋得  
乾沒屢缺其馬草亦於均田徭費內支用其支更把  
把責成看司人役其高燈火把亦於均田項下捕官  
支取備用其肩執即著紅衣名役駁船埠頭撥派羅  
夫擔夫承值種種事宜永定成規自無臨時推諉至  
於分司每歲巡臨所轄者巡檢場官鹽商窰戶所徵  
比者鹽課錢糧其擬設家伙應著商綱備用支更送  
水應著弓兵窰戶承值不得問之坊廂編戶貽累保

一禪墳人夫凡上司按臨郡縣公出自有驛失雜夫

承值不涉總甲因順治十六年開各憲一時并臨難以接濟奉縣差役齎銀三兩每門代募民夫三十名偶爾暫需總甲不意兵房遂於驛夫羅夫外添捏民夫構同船頭水夫勒索折乾銀兩茲蔓無已今總甲既除倘逢其際應照額撫林題定事例雇募抵補一慶賀答應凡拜表接詔救護日月及春秋二丁文廟壇壝燈火應著禮房於均田項下支用其彩亭取諸紬行儀從執之紅衣至於學宮驛遞埽除答應自有學役驛夫不應問之民間一操場擬設查演武場操演擺設向係四十保一區二區承頂免其雜差今均田均役革去舊圖之名雖循故例應於徭費均役設法備辦用畢封固著令看司典守以便常可供用一張挂告示凡文武郡縣各衙門張挂告示郡城四門卽著門軍寺觀廟前卽著僧道津橋路口卽著輪甲居民府縣衙門首應著舖司其有囚犯典刑收擡遺失至於看守囚犯應著舖司其有囚犯典刑收擡戶首應著舖司土作擺設公案應著經管刑房不得仍沿總甲之數以貽累保甲

六年知府張羽明詳請飭行均田均役於華亭上海

青浦三縣悉照婁縣例編定

魯志

八年總督麻勒吉飭禁雜泛差徭

均役成書

十年知府耿繼訓飭禁圖差押催名色

均役成書

十三年江蘇布政司使慕天顏入

覲時題均田均役法請飭徧行各屬仍令勒石永遵

魯志

慕天顏疏略 奏為敬陳均田均役之法請較永行以杜弊端事臣惟則壤定賦各有應輸之科徵而

計畝當差始無偏枯之疾累如江南州縣大者編戶六七百里小者三四百里每里為一圖每圖有十甲此歷來定額之賦役也乃民間貧富不等所有田地多寡不齊若田多至數十頃而占籍止一圖或窮民僅有田幾畝而當差於一甲是豪戶避役卸累小民而隱古之弊生矣又或貧民苦累不堪將本名田地

寄籍於豪強戶下以免差徭而詭寄之弊生矣又或蠹胥奸里規知小民不諳戶役之事包當里選替納錢糧代應比較而包攬之弊生矣種種弊端皆因賦役不能均田之故耳夫均田均役之法通計該州縣田地總額與里甲之數將田地均分每畝若干頃畝編爲定制流糧當差田地既均則賦役自平卽有科則輕重之別而按畝編甲其輸糧之數不甚相遠且不許豪戶田多隱役苦累小民此法自科臣柯聶條議部覆奉旨欽遵在案婁縣故令李復興行之最爲得宜松民至今稱便蘇松等屬仿照均編臣任江藩再三飭行無異但民間田地賣買不常每遇編審之期必應推收過割恐有積蠹乘機炫惑有司變亂成法則貽害無窮若非奉

天語敕飭何以永著爲例臣請

敕行

嗣後推收編審悉照均田均役聽民自相品搭充足

里甲之數不許多田少役則隱占詭寄包攬諸弊可以永清實有益於民人矣抑臣更有請者有司徵糧

若不分良頑混漏完欠井比差擾則小民難堪又查

江南各屬田地山蕩灘塗等項名色繁多科糧有至

六七十則不等是以刊布山單款目尤細鄉愚全不知曉臣經詳明督撫設立徵收截票之法計算每石實徵糧銀分作十限清造截票按月限完一分於開徵日預給便民限軍悉照田單編派數目刊列填寫明白俾民曉然自知本名應輸錢糧若干依限完納或票寧家印官止將未截者摘比事省而不致濫差蒙清而不擾良戶恐法久弊生恭請

敕行

永遵者也足不第江南行之有益即直省通行可以與利除弊臣為賦役民生起見敢瀆

宸嚴伏乞

敕部議覆通飭施行為此具本謹奏伏候

敕旨康熙十三年二月初十日奉旨依議據慕天顏奏稱均田均役截票等事別省通行有益等語著通行直省問明再議具奏

十九年婁縣知縣史彬行銷圩法而均編法備

管志

補編條議查婁縣自康熙五年始行均編以避役困厥功不小但此時規模草創急於告成未暇精晰圩號而兩次推收亦苟且從事究竟號段不清以致田蕩徵折輕重混淆或一田兩賣或誤收別圖今本

縣詳憲推收若不銷號散底澄清恐滋弊無底故特  
設清冊銷號單令圖書辦明圩號徵折款數業戶照  
造通冊參對挨銷誤者改正收明釐刷清楚以終均  
編未盡之功初行均役法舊圖三百有十圩號冊尙  
虧二十七圖且無畫圖細冊至是嚴行清冊銷號單  
圖造明近形號圩業戶造正田冊彙集編房查明銷  
號減浮補少田畝分毫無誤至於內折圖分或分坐  
圩號或照額均攤注明冊內而游移獎範其志載荒  
園田畝另編十牌之末秋成  
清白并納而荒熟無混矣

### 又詳革押差除區差陋規

革押差名色止用紙阜傳催各項錢糧冊籍俱存內  
衙查算片紙隻字不假手吏胥完欠絲毫不棄除革  
區差相見錢望限錢酒席酬勞等項及欺保大小二  
熟抽豐歲終送禮柴薪飯米等項止將逐限徵收比  
簿核欠挂比分別良  
頑永無中飽之患

### 二十三年總督于成龍禁革里排

江南通志

二十八年江蘇巡撫湯斌檄免義租項下撫院書役

公費

江南通志

雍正十一年總督趙洪恩禁革區圖各差名色

乾隆元年革除區差改圖書爲保正

謹按戶律所載凡各處人民每一百戶內議設里長一名甲首一十名輪年應役催辦錢糧勾攝公事與會典所載保甲之法十戶爲牌立牌長十牌爲甲立甲長十甲爲保立保長意義相同今松郡各縣按圖設保正一人召募充當其職役同於里長其名目或以爲始於乾隆元年冊檔無稽姑以俟世之通掌故者

明代徭役考

小役五日糧長每區一人專督本區賦稅隆慶初改爲總催而糧長之名遂革曰里長亦謂之經催每圖一人按甲輪充責催本圖民戶本折銀米開徵以後仍歲奔走追比敲扑罄貲賠償一充此役無不立斃

曰老人每里一人明初已有其名隆慶中分官民戶  
爲二甲乃以老人專督官戶稅糧曰塘長每區一人  
於每區該年中僉充專督人夫修本區水利後多撥  
調遠區疏濬工用責之塘長官役勒索輒轉派累勞  
費不貲曰總甲每甲一人凡應充里長者先一年爲  
該年又先一年爲總甲初制令議察逃盜鬪爭之事  
以報府縣久之而遇有寇攘殺傷者卽拖累總甲往  
往破家或官府公私所須責其勞辦什不給一或地  
當孔道承值官長供億稍闕榜掠隨之最稱繁苦  
大役五日布解五年編役每年四人僉大戶充之領  
解粗細布入京承役者官吏視爲奇貨所支價值遞  
發重扣百端需索不可毛舉到京後復任意檢退留  
難勒賄每匹有賄銀至五六錢者曰北運卽白糧解  
戶五年編役每年十八人僉大戶充之以白糧米二  
萬二千石令其解運入京僉運者多不能身任其事  
遂爲包棍所持串同胥役侵漁埔索以及剝淺守凍  
赴京交納所費動以千計每遇僉點大戶輒責緣祈  
免則以小戶承充往往產盡而身隨之日南運亦五  
年編役領運南京光祿寺會同館神樂觀各色米以  
路近而交納便財力稍省後議布解兼充以輕補重



日收兌糧長亦謂之倉兌五年編役始清米民運至  
淮安交倉爲支運後改令民運至瓜洲兌軍爲兌運  
成化七年都御史滕昭立長運法令官軍至水次領  
兌糧長止在倉管徵漕米候軍交兌而漕軍恣橫日  
其傍倉奸棍又倚爲囊橐糾合訛詐多勒贈耗一當  
交兌繁費崛起常賣產鬻業以償日收銀總催亦謂  
之橫收五年編役戶因百款者卽得免充此役百費  
叢集自上顧顧票以至交庫解損傾銷皆有額例而  
積蠹包收侵漁花費累害正身不可殫詰  
中等下等雜役曰風汛解戶每年七人領風汛米春  
辦候沿海出汛軍兵交領曰蜜糖解戶每年一人領  
料銀赴南京光祿寺交納曰鳳陽麥折解戶每年三  
人領麥折銀赴鳳陽府交納曰惜薪司解戶每年二  
人領運柴銀赴南京光祿寺交納曰南部解戶每年  
一人領柴薪銀赴各部交納曰五城弓兵解戶每年  
一人領弓兵銀赴南京兵馬司交納曰膳夫解戶每  
年一人領膳夫銀赴南京國子監交納曰直堂解戶  
每年一人領直堂銀赴南京各衙門交納曰織造府  
鹽解戶每年一人領銀赴杭州交納曰徐州解戶每  
年一人領銀赴杭州交納曰徐州解戶每年

二人領米折銀赴徐州倉交納日揚州解戶每年二  
 人領米折銀赴揚州倉交納鳳陽馬解每年一人領  
 馬役銀赴鳳陽府交納山東馬解每年一人領馬役  
 銀赴山東兗州府交納農桑絲絹解戶每年一人領  
 折絹銀赴南京庫交納水鄉蕩價解戶每年一人領  
 銀赴杭州運司交納南公侯解戶每年二人領米折  
 銀赴南京交納軍器庫子每年二人看守軍器斗級  
 五年定編五名  
 又南京國子監膳夫南部柴薪阜隸南京各衙門直  
 堂直廳阜隸南京五城兵馬司弓兵解京富戶本府  
 屬柴薪阜隸馬夫各縣座仙船水手禁子巡鹽民壯  
 子座紅站船水夫各縣座仙船水手禁子巡鹽民壯  
 巡捕民壯公署祠廟門子松江分司門子阜隸鋪司  
 兵巡檢司弓兵鋪夫轎傘夫聽用廠夫各鹽場工腳  
 燈夫倉夫兵備廚役河下聽事各役三十款舊俱均  
 徭力差後稍改銀差萬歷中始盡徵銀入官永免僉  
 點又有二六輕齋等十役舊俱每年各僉派一人亦  
 於萬歷間知府張九德議以願正心義役米內量扣  
 貼費委官起  
 運免僉民戶

附考明顧署丞正心助役義田

華亭縣鄉村里役六百一十六名共貼義田一萬四千九百一畝四分三釐該除糧淨米八千九百四十七石五斗六升 極荒圖共貼義田七百八十三畝三分八釐該除糧淨米四百三十石 次荒圖貼田六百九畝七分二釐該除糧淨米三百二十石 加貼原分義田荒瘠及極荒圖分共田三百二十三畝八分三釐該除糧淨米一百八十三石

青浦縣里排貼役義田二分共六千八百六十三畝有奇該租米六千八百一十七石有奇又高鄉花豆

照例折銀準米該租銀一百四十三兩有奇除納稅糧之外餘租聽從輪年承役人收贍差徭

府城內外坊廂里長四十二里共貼義田一千一百八十九畝五釐一毫該除糧淨米共八百三十九石八斗 府城內外坊廂守宿四十二里共貼義田二千一百四十二畝七分六釐該除糧淨米一千三百石

華亭布解四名共貼義田七百六畝三分九釐三毫九絲該除糧淨米四百八十石

青浦布解一名該給買田銀五百九十五兩一錢五

分

華亭北運糧解三十名共義田二千八百八十一畝  
五分九釐該除糧淨米一千八百石

華亭收兌糧長六十三名共貼義田三千七百九十  
八畝三分八釐該除糧淨米共二千二百四十石

華亭收銀總催九十名共貼田四千五百一十三畝  
八分七釐共除糧淨米二千七百二十石

華亭南運糧長四名共田二百十九畝八分該除糧  
淨米共六十四石